



UNIVERSITÄTS-
BIBLIOTHEK
PADERBORN

Universitätsbibliothek Paderborn

Adversvs Omnia Catabaptistarvm Prava Dogmata Heinrychi Bullingeri lib. IIII

Bullinger, Heinrich

Tigvri, 1535

VD16 B 9759

Christiano Lectori Leo Ivd Ecclesiae Tigurinae minister, salutem exoptat
per Christum seruatores nostrum.

urn:nbn:de:hbz:466:1-35433

CHRISTIANO LE

CTORI LEO IVD ECCLESIAE TI

*gurinae minister, salutem exoptat per Christi-
stum seruatorem nostrum.*



Desse iam tempora
ista periculosa, Chri-
stiane lector, de quibus Christus et apo-
stoli uaticinati sunt,
nemo tam caecus est qui non uideat.
Etenim ut omni aetate zizania di-
uinæ segeti superseminata sathana
hoc curante succreuerunt, ita hac no-
stra feracissima nimium est seges
illa nocentissima, ubi priscarum hæ-
reseon colluuiæ quotidie repul-
lulascit. Catabaptistarum secta ex
omnibus aliquid decerpit. Mon-
strum enim hoc multiceps est, ut
non facile agnoscas quale sit: quod

EPIST. LEONIS IVDÆ

si capere tentes, anguilla omni est lubricius. Quemadmodū uero in multas & uarias sectas scissa est catabaptistarum hæresis, ita in hoc omnes unanimiter consentiunt, ut prædicatoribus ueritatis negotiū exhibeant, & eos erga auditores tanquā seductores suspectos reddant. Cōtra hunc nocentissimum catabaptismi errorem scripserunt uiri quidā diuinæ ueritatis & gloriæ studiosi. Inter quos primus omnium fuit doctissimus & constantissimus uir Huldrychus Zuīnglius ecclesiæ Tigurinæ antistes fidelissimus, qui eos in elencho suo, cæterisq; contra catabaptistas editis libris acerrime & cōstantissime persequutus, strauit & fudit, & gloriosa de eis uictoria potitus est.

Acces

Accesserunt nihilominus & alij strenui milites ac socij pro gloria dei, Martinus Buzerus, & Philippus Melancton, uiri non pietate solum eximia, sed multijuga eruditione conspicui, hi summa fide auxiliares copias in subsidium miserunt, ut uirus tam pestilens ex ecclesia Christi tolleretur. Non nihil armorum Bernensis ecclesiae ministri subministrarunt Sebastianus Hofman, Caspar Megander, Berchtoldus Haller, uiri integerrimi et eruditi, qui Zofingae longa concertatione errorem hunc breuibus confutarunt. Scripsit & Henrychus Bullingerus uir iuxta pius & doctus lingua Germanica dialogum quendam hoc in negotio non poenitendum, ut & simplices anti-

EPIST. LEONIS IVDÆ

dotum contra uenenū uiperarum
 præsens habeant. Quem ego ut-
 cumq; Latinum feci, ut eo utan-
 tur qui Christum extra Germaniã
 profitentur. Nam ubicumq; Chri-
 stus emergit, mox adsunt cataba-
 ptistæ, ut ecclesias renatas & foeli-
 citer institutas uastent ac dissecēt.
 Ita dæmon apros in limpidissimos
 fontes ubiq; immittit ut aquã tur-
 bent ac cœno suo inficiãt. Liber-
 tate quadã in uertendo sum usus,
 multa demens, addens multa ex a-
 lijs, quæ mihi ad hanc rem adcom-
 moda uisa sunt, aut lectori profu-
 tura. Hanc operam meam qualis
 qualis sit boni consule, optime le-
 ctor, tibi enim desudauit. Nam si
 sermonis elegantia quàm publi-
 cæ utilitati studere maluissẽm, fa-
 cile

AD LECTOREM.

cile ab hoc tam laborioso & periculoso opere mihi temperassem. Sed ecclesiarum & gloriae Christi est nobis habenda ratio, non nostri nominis ac laudis. Omne telum quod pro ueritate pugnat contra mendacium et errorem arripendum est, nec expendendum quam sit elegans sed quam firmum et necessarium. Tu uale & nostro labore bene utere. Non enim catholicarum perniciem querimus, sed potius ut ab errore ad ueritatem conuertantur dominum rogamus. Errorem insectamur, non homines; quem si reliquerint, omni eos ueneratione & amore dignabimur.